

金匱要略編注

構李沈明宗目南甫編評

婦人雜病

婦人之病，因虛、積、冷、結、氣，為諸經水斷絕，至有歷年

不通，寒傷經絡，凝堅在上，嘔吐涎唾，久

不愈，在中盤結，繞臍寒疝，或兩脇疼

或結熱中，痛在關元，脉數無瘡，肌若

魚鱗，時着男子，非止女身，在下未多，經候不勻，令

陰挈痛，少腹惡寒，或引腰脊，下根氣街，氣衝急痛

膝脛疼煩，奄忽眩暈，狀如厥顛，或有憂慘，悲傷多

此皆帶下非有鬼神久則羸瘦脉虛多寒三十
六病千變萬端審脉陰陽虛實緊弦行其鍼藥治危
得安其雖同病脉各異源子當辨記勿謂不然
此血室受邪傳於臟腑經絡現證而與男子不同
治所以全匱另立女科一門也蓋女子二七而天
癸至一月一行乃爲常度其或參差前後或經後
新產胞宮氣血虛弱而外邪以從陰門侵襲則病
變無窮但稟氣有強弱陰陽有偏勝氣血有虛實
風寒有多少五臟六腑十二經絡傳乘以故見證
不一也然婦人之病因氣血虛而風寒襲於子宮

氣血不行，謂因虛積冷結氣爲諸經水斷絕。且非
一日發病，至有歷年而血寒積結胞門，乃虛爲受
病之本。風寒爲致病之標。至於日久傳於諸經，臟
腑氣血陰陽表裏上下神志諸病變化不測矣。但
邪客胞中，相隨上焦氣虛之處，厥而上行，爲寒傷
經絡，凝堅在上，或侵脾胃，則嘔吐涎唾，逆於肺臟，
營衛不宣，久成肺癰，然骨蒸欬嗽皆括在其中矣。
營衛旣傷，則形體損分。若在中盤結，淫於衛脈，則
爲繞臍寒疝，淫溢胫脇，則兩脇疼痛，然經臟相爲
表裏，但經絡之痛，其源在於胞宮之臟，爲與臟相

連若風邪淫於本宮，鬱化爲熱，故曰或結熱中邪。
正相搏，氣鬱不通，則痛在關元。夫風者善行數變，
鬱化爲熱，熱耗胞門陰血，血虛火盛而脉數，非瘡。
家之脉數，謂脉數無瘡。陰血耗而不充於軀殼，則
皮膚乾燥爲皴，若魚鱗或逢交合，其邪傳與男子，
亦病魚鱗，謂時着男子，非止女身。若感受日淺，未
滿他經，謂在下未多，祇病經候不勻。若寒客凝結，
氣逆邪正相搏，爲卒然掣痛，卽抽掣相引，陰戶而
涼，陽微陰盛，則少腹惡寒，邪隨督脉上逆，則引腰
脊，若微倒，則氣衝急，蓋衝脉出於氣街，斜入

膈中循脛骨內廉邪。奏虛處而行。則下根氣。街下注厥陰經。脉氣滯不行。爲膝脛疼痛。煩上逆。衝擊心神。則爲奄忽。奄忽者。驟暴昏昧也。相隨肝脉上逆。顛頂則爲眩暈。逆而不返。其狀猶如厥顛。淫於心肺肝脾腎五臟。神魂情志受傷。故作憂。慘悲傷多。嗔以上諸證。乃帶脉之下血。海受邪。爲病。總謂此皆帶下。非今人所謂之白帶也。雖見眩暈厥顛。憂慘悲傷多。嗔奇怪之證。皆胞門受邪。傳於氣血。心神魂魄所致。非有鬼神所使之耳。邪傳脾胃。消削肌肉。久則羸瘦。耗傷心血。故脉虛傷陽。則寒。謂脉

虛多寒。又十二癥、九痛、七害、五傷、三癰、爲三十六病。然證現千變萬端，總屬胞門受邪，則一治此必審脉之陰陽虛實。緊弦則知邪之風寒，氣血虛實，纔能行其針藥，治危得安。以上病雖同起於胞門，而有風寒、氣血虛實、經臟上下之分，隨其虛處現症，現脉不能盡述，謂脉各異源，此乃婦科切要之綱領。故囑子當辨記，勿謂不然。此上數段皆胞宮一源起病，乃邪隨五臟六腑氣血虛處現證，故現無窮之變，務須細心體究其意，方能入彀耳。

婦人中風發熱惡寒，經水適來，得七八日熱除脉遲。

身凉和、胸脇滿、如結胸狀、譫語者、此爲熱入血室也、
當刺期門、隨其實而取之、

此謂中風、卽大邪中表、風傷衛、傳裏之病也、發熱惡寒、少陽證也、少陽與厥陰相爲表裏、而厥陰藏血、乃通衝脉、血室經水適來、血室空虛、少陽風熱陷於血室、邪氣深入、故七八日來、外則熱除而身凉、血陰凝滯、故脉遲而胸脇滿、如結胸狀、血室之邪衝心、則發譫語、卽非有鬼神之義也、然肝與血室相通、故當刺肝之期門穴、隨其實處取之、卽寫血室之邪也、

婦人中風七八日續得寒熱發作有時經水適斷此
為熱入血室其血必結故使如瘧狀發作有時小柴
胡湯主之

方見
嘔中

此風邪陷入血室而出方也風傷衛證七八日來
續得寒熱發作有時者因經水適來血室空虛外
邪乘虛內陷邪血搏擊正邪分爭陰陽更勝勢如
瘧狀故謂有時然邪陷血室而得寒熱當責邪在
半表半裏故用小柴胡湯和陰陽而提風木之邪
上行使從表出則病自愈不必求其血室之補瀉
也

婦人傷寒發熱經水適來晝日明了暮則譫語如見鬼狀者此爲熱入血室治之無犯胃氣及上二焦必自愈

熱入血室雖有風寒之別而邪入則一所以上下四條相爲一貫也寒邪傷營而陷於血室故晝日明了暮則血海陰邪盛而上衝於心則發譫語然肝臟開竅於目熱血搏結魂不歸舍而反影於目故如見鬼狀此皆帶下非有鬼神之義也治此不可犯其胃氣及上二焦之陽是謂汗吐下之戒傳中上之陽不傷陽能正陰使邪外出則陰邪可退

經水適來未淨必使經血再行則自愈矣

血弱氣盡、腠理開、邪氣因入、與正氣相搏、結於脇下、正邪分爭、往來寒熱、休作有時、默默不欲飲食、臟腑相連、其痛必下、邪高痛下、故使嘔也、小柴胡湯主之、此互風寒陷入血室、舍鍼法、惟小柴胡爲主治也、血室空虛、爲血弱氣盡、邪氣陷入、結於脇下、與正氣相搏、故正邪分爭、往來寒熱、休作有時、邪鬱胃間、故默默不欲飲食、然肝胆相連、臟邪凝於下、腑邪衝於上、血室爲病、故痛在下、邪高痛下、中州胃氣不和、則使嘔也、然小柴胡湯表裏兩解之方、而

上下亦可兩解所以用此和之

陽明病下血譫語者此爲熱入血室但頭汗出當刺期門隨其實而瀉之澱然汗出者愈

此傷寒土邪反乘於血室也大邪傳入陽明濕熱熾盛反淫衝脉血室血熱妄行故陽明病而見下血爲熱入血室胃熱上衝於心則發譫語而頭汗出故當刺肝之期門隨其邪實之處而瀉之使木能制土陽明經腑餘熱自從周身澱然汗出而愈蓋血室證非惟少陽與陽明之邪而入要知十二經絡臟腑之邪皆可入之爲病又有血室受邪傳

於臟腑十二經絡爲病、餘臟倣此、則神機在我、何懼證見無窮、

婦人咽中如有炙轆、半夏厚朴湯主之、

此血室之邪淫於任脉爲病也、前謂凝堅在上、久成肺癰、與此如有炙轆源同而證異、要知仲景立一言、豎一義、是有變化不盡之妙、倣此類推、則得金匱之意、蓋行經或產後、氣血虛而陰門感受風寒、積結胞宮、相隨任脉上衝、抵於咽、隘氣逆噎塞、吞之不下、吐之不出、如有炙轆、貼於咽中、故用厚朴、半夏、辛溫消痰散結而下逆氣、蘇葉善能歸氣、

入陰和血、同生薑以宣營衛而散外入之邪、茯苓
滲濕并導逆氣下行也、

半夏厚朴湯

半夏 一升

厚朴 三兩

茯苓 四兩

生薑 五兩

乾蘇葉 二兩

右五味以水一斗煮取四升分溫四服日三夜一
婦人臍燥悲傷欲哭象如神靈所作數欠伸甘麥大
棗湯主之

此子宮受邪上淫肺氣之病也子宮血虛故爲臍
燥受風化熱相隨任脉冲上而挾心包之火逼迫

肺臟然肺聲爲哭魄氣不寧則悲傷欲哭象如神
靈所作而金虛肝盛邪犯胃腎故數欠伸卽憂慘
悲傷多噯魂魄之病也故以甘草緩瀉心包之火
小麥益心和肝兼養胞血大棗培土生金而和營
衛以濟子宮之燥俾衝任得養肺氣是無陵犯則
悲哭自止

甘麥大棗湯

甘草 三兩

小麥 一升

大棗 十枚

右三味以水六升煮取三升分溫三服亦補脾氣
婦人吐涎沫醫反下之心下卽痞當先治其吐涎沫

小青龍湯主之。涎沫止，乃治痞。瀉心湯主之。湯見前

此凝堅在上，嘔吐涎唾，而挾新邪之方也。血寒積結，胞門復挾新感，外風相隨，任脉而上，會合胸膈肺胃之間，凝聚津液，化而爲痰，故吐涎沫。然外邪當從表散，而醫反下之，誅伐無過，致傷中氣，則陰邪上逆，與涎相併成痞。若不治涎，餘涎盡併於痞，卒難分解。故當先治用小青龍湯，散邪滌飲，風寒兩擅其長，使新舊之邪盡去，則涎沫自止。其或痞結未消，又當瀉心湯治其痞也。

問曰婦人年五十所病下利數十日不止暮卽發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

此血寒積結胞門之病也婦人年五十所天癸應絕而反病下利者因昔半產寒凝瘀血積於胞宮所以新血不能聚於血海反從下出而爲下利不止卽血山崩倒之疾非大便下利也然新血不得畱聚血海之內則陰虛火盛故暮卽發熱血瘀少腹則裏急矣蓋心經脉絡下通胞門上走于心勞

宮血虛火盛故手掌煩熱心病則脾亦病故腹滿而脾營不化故唇口乾燥病在血室所以爲屬帶下然何以知其血瘀少腹蓋唇口乾燥此乃血瘀而不上灌故知之也但瘀爲病根而不去利何由止故用溫經湯芎歸參芍薑桂茺甘調和營衛而益氣血爲溫散寒結半夏下逆消痰丹皮散瘀麥冬阿膠保肺通調但溫經散邪俾瘀血行而病根去血得歸宮則下利止矣

溫經湯

吳茺萸

三當歸

芍藥

芍藥

人參

桂枝

阿膠

牡丹皮

生薑

甘草

各二兩

半夏

麥冬

各一升
去心

右十二味、以水一斗、煮取三升、分溫三服、亦主
婦人少腹寒、久不受胎、兼治崩中、去血、或月水來
過多、及至期不來、
帶下、經水不利、少腹滿痛、經一月再見者、土瓜根散
主之、

此在下未多、經候不利之病也、胞門受風、未經多
日、所以祇見經水不利、未致不通、第不利者、乃似
通、非通、非通似通、來而不暢、止而復來、即行者、自

行結者自結所以小腹滿痛而一乃再見矣故以
土瓜根即王瓜根也味苦氣寒能清風化之熱虛
蟲活血行瘀桂枝芍藥以調營衛而宣陽氣俾風
外出酒引血分散瘀經自利矣

土瓜根散

陰癰腫亦主之

土瓜根

芍藥

桂枝

蟅蟲

各三分

右四味杵為散酒服方寸匕日三服

寸口脉弦而大弦則為臧大則為乳臧則為寒乳則
為虛寒虛相搏此名曰革婦人則半產漏下旋覆花
湯主之

此胞門受邪、挾木乘胃之脉、與證也。血海邪通肝、木則木氣過盛、而脉弦然。弦必傷胃、則胃虛、謂弦則爲減。胃虛不能生血、漑灌諸脉、而空大爲大。則爲乳然。胃氣虛弱、爲減、則爲寒。血不循經、貫脉、爲芤。則爲虛。胃寒、脉虛、爲寒。虛相搏、脉名爲革。而木邪熾盛、胃氣不能生血、而攝血攝胎、故有妊、則當半產。無孕、則當漏下。然推其源、乃胞受風寒所致。脉弦而大、故用旋覆花、驅風而散寒結、以慈助其行散之力。新染絳絹、引入血海、而散邪、俾邪散、則正氣自復。非此卽養正之方也。蓋前虛勞論中、革

脉乃木火制胃此因胞宮受邪傳木不同當參看則備

旋覆花湯

旋覆花

三兩

葱

十四莖

新絲

少許

右三味以水三升煮取一升頓服之

婦人陷經漏下黑不解膠薑湯主之

方未見

此胞門受邪以致陷經漏下也蓋諸經血盈則灌於海海滿復溢於經經海相連盈虧進退升降出入皆從於海若血海受邪拒格新血不歸於海則新血降而漏下矣然經血陷而不升故為陷經若

血寒則黑、漏下黑不解者、卽血海受寒所致、漏下也、故以乾薑散寒、俾寒邪去而瘀黑自解、阿膠養血而驅伏風、則漏下得止、原方未見、但以膠薑詳之、其義可知、後人擬補膠艾湯、似乎未確、

婦人少腹滿、如敦狀、小便微難而不渴、生

當作經字

後者、

此爲水與血俱結在血室也、大黃甘遂湯主之、

此經後受邪、水血兩瘀也、經後血室虛而受邪、水血內瘀、則少腹滿、如敦狀、如人敦而不能起、言其下重之情也、血分受邪、故小便微難而不渴、非似氣分閉而不通矣、此有形水血結於血室、若不峻

攻何以破其堅壘之結。所以大黃攻血。甘遂以逐蓄水。而無畱滯。又藉阿膠養血。善驅血中伏風。俾風去。則水血俱利矣。竊擬血分受風。而致水腫者。用之無不妙耳。

大黃甘遂湯

大黃

四兩

甘遂

阿膠

各二兩

右三味。以水三升。煮取一升。頓服之。其血當下。婦人經水不利下。抵當湯主之。

此血寒積結胞門。未變他病之方也。胞門偶被風寒。襲入。血凝不散。經水則不利下。非久閉也。或痛。

而不利。或少腹堅而有形可徵，故以食鹽之蠱蟲水蛭以破血結。桃仁、大黃以攻其瘀，則無留滯矣。

抵當湯

亦治男子膀胱滿急有瘀血者

水蛭

熬

蠱蟲

三十枚熬

桃仁

二十枚

大黃

三兩

右四味爲末，以水五升煮取三升，去滓，溫服一升。

婦人經水閉不利，臍堅癖不止。

當作散字

中有乾血，下白

物，礬石丸主之。

此肺氣不利，白帶而致乾血也。臍，卽子宮也。堅癖

不散，子宮有乾血也。白物者，世謂之白帶也。蓋子

宮之氣通連衝任督帶諸臟之氣，而衝任之氣上

主咽喉會通於肺。然肺主通調諸臟之氣。連及子宮。故肺與大腸受邪。通調傳道之職皆失。以致脾胃濕熱凝滯津液。而成白物。淫入胞宮。阻滯內血。不流而成乾血。是因白帶阻閉胞宮而結乾血也。經云治病必求其本。故以礬石先去濕熱爲君。杏仁獨利肺與大腸之氣爲助。蓋肺與大腸爲表裏。納藥大腸之臟。俾藥氣以從大腸之氣上行於肺。肺氣卽得下行。通調於子宮。使濕熱津液不得凝爲白物。則白物止而乾血自散。此由他臟淫於子宮受病。不與胞門同治。正謂其雖同病。脉各異源。

也。

礬石丸

礬石

燒三分

杏仁

一分

右二味末之。煉蜜丸棗核大。內臟中劇者再內之。婦人六十二種風。腹中血氣刺痛。紅藍花酒主之。此概以婦人血分挾風而病也。仲景每論婦人之病。皆從血海受邪起見。而推廣六十二種風疾。並腹中血氣刺痛。咸因血海氣血虛而招風。以致衝任督帶五臟六腑皆病。故以紅藍花一味煎酒取其色紅。與血相類。味苦辛溫。能入心肝衝任血海。

養血和血行血專理血海去舊生新得酒入血宜行之力更佳正謂血足風自滅也

紅藍花酒方

紅藍 一兩

右一味以酒一大升煎減半頓服一半未止再服

婦人腹中諸疾病當歸芍藥散主之

方見
妊娠

此脾虛而致腹痛也腹中即血海也婦人雖以血海為主實賴脾胃養生之化而統血於海則無諸病此因脾不健運濕氣下流胞中血滯氣滯故腹中諸疾痛當責脾虛而治故以芎歸養血而行血

中之氣滯，芍藥收陰之正，白朮茯苓澤瀉健脾滲濕，俾脾健則血生，濕不下流，衝任氣行，血利則諸痛自止。此又重於脾，不當責於胞，此亦其雖同病，脉各異源也。

婦人腹中痛，小建中湯主之。

方見虛勞中

此胃虛而致腹痛也。胃爲五臟六腑之海，虛則納穀少而營衛亦虛。血海無濟，胞門血虛，氣滯故腹中痛。是非風寒所致者也。所以小建中湯建中氣而生營衛，充灌血海，使陰陽和而氣血流利，則不治痛而痛自已。設因風寒致痛而湯中桂枝可以

驅邪足矣。此上下二條。以後天脾胃生化之源。不足累及血海受病。故以健脾胃爲主。毋特四物湯而養陰血。諸臟皆然。若胞門受邪累及臟腑諸病。當治胞門爲主。是仲景暗度金針。人皆不識耳。問曰。婦人病飲食如故。煩熱不得臥。而反倚息者。何也。師曰。此名轉胞。不得溺也。以胞系了戾。故致此病。但利小便則愈。腎氣丸主之。

此胞門陽虛致病也。表裏上中二焦無病。則飲食如故。下焦陽虛不能統氣於尿脬。故胞系了戾。卽紐轉而不得溺也。然胞系旣轉。上氣不得下通。逆

衝心肺故煩熱不得臥而倚息名曰轉胞不得溺
是因真陽虛而不得統氣於胞故用六味丸以滋
左腎之元陰桂附耑補右腎之真陽行陽化氣直
達胞中胞系滿直開闔有權則小便利而煩熱倚
息頓愈若以五苓八正一概淡滲元陽頓削反不
得溺也

腎氣丸

乾地黄

八兩

薯蕷

山茱

各四兩

澤瀉

牡丹皮

茯苓

各三兩

桂枝

附子

各一兩炮

右八味末之煉蜜和丸梧子大酒下十五丸加至

二十五丸日再服

蛇床子散溫陰中坐藥

此令陰掣痛少腹惡寒之方也。胞門陽虛受寒。現證不一。非惟少腹惡寒之一證也。但寒從陰戶所受。不從表出。當溫其受邪之處。則病得愈。故以蛇床一味大熱能補真陽。納入陰中。俾子宮得煖。邪去而病自愈矣。

蛇床子散

蛇床一味末之。以白粉少許和合相得。如棗大。綿裹內之。自然溫。

少陰脉滑而數者，陰中卽生瘡。陰中蝕瘡爛者，狼牙湯洗之。

此風濕合乘胞門，流於陰戶，而成蟲蝕也。少陰脉居左尺，而應胞門精血之地，外通陰戶，但脉滑爲陰氣有餘，數爲熱盛。此因風濕感入胞中，濕熱熾盛，流注陰中，營氣不從逆於肉理，邪熱鬱蒸，陰中卽生瘡矣。濕熱蒸化爲蟲，遍蝕陰戶，謂蝕瘡爛也。方以狼牙煎湯薰洗。本草謂其苦寒有毒，善治浮風癢癢，殺腹臟一切蟲，但苦能燥濕，寒以除熱，俾濕燥熱除，不化爲蟲，則蝕瘡自愈。蓋後人論陰瘡。

數種、不若此論最詳、當以觸類旁通治證爲妙、

狼牙湯

狼牙 三兩

右一味、以水四升、煮取半升、以綿纏筋如繭、浸湯
瀝陰中、日四遍、

胃氣下泄、陰吹而正喧、此穀氣之實也、膏髮煎導之、
方見
黃帝

此胃氣走於胞門而出前陰、謂之陰吹也、大腸與
胃中津液枯燥、穀熱壅滯不下、胞門氣虛、胃氣不
往後陰、而反陷胞中、以從前陰而出、故謂胃氣下

泄乃移實就虛之義。卽腸胃累及胞門之病也。氣泄聲響如吹爲陰吹而正喧腸胃之氣乘於胞門。謂穀氣之實也。故以猪膏滋潤腸間之燥。髮煎以養胞門之血。俾腸間得潤。穀食下而氣轉後陰。此通則彼塞矣。蓋有大便不結中虛下陷而陰吹者。當用補中升提。不可概爲胃實也。

小兒疳蟲蝕齒方

小兒疳病乃從內發。先因金虛木寡於畏風乘於土。濕熱壅積胃間。隨脉上溢於齒。風濕蒸腐化而爲蟲。浸淫於齒。故爲疳蟲蝕齒。方用雄黃善驅臟

腑之風又能殺蟲、葶藶以瀉肺實、使肺氣通、調金風一動、濕熱全消、則不化蟲、蝕齒之患除矣、蓋附此方於婦人證後、想昔有幼科而遺失無傳、去古既遠、不敢妄贅、

雄黃

葶藶

右二味末之、取臘日猪脂、銕以槐枝綿裹頭、四五枝點藥焙之、

論曰、經云女子七歲、腎氣盛、齒更髮長、二七而天癸至、任脉通、太衝脉盛、月事以時下、故有子、至於七七、任脉虛、太衝脉衰少、天癸竭、地道不通、形壞

而無子矣。丈夫八歲，腎氣實，髮長齒更。二八，腎氣盛，天癸至，精氣溢瀉，故能有子。腎者，主水，受五臟六腑之精而藏之，故五臟盛，乃能瀉。至於八八，則齒髮去，五臟皆衰，筋骨懈惰，天癸盡而鬚髮白，身體重而行步不正，故無子耳。蓋天癸者，卽父母媾精而爲先天，合同天地陰陽生長之氣，乃爲精血之主，非精血而爲天癸也。然所得之氣，女藏於心，陽爲之主，男藏於腎，陰爲之根，各待陰陽至盛，精血滿足之期，則洩，所以謂之天癸至。但男體外爲陽，而盛於八者，乃俟真陰數足以水而配陽；女體

外爲陰而盛於七者乃俟眞陽數足以火而偶陰故女子二七陽氣充盛是與眞陰氣合則陽機蠢動陰卽隨之任脉通而太衝脉盛月事下而陰陽和平故有子耳男子二八陰水充盛與眞陽偶合陽機蠢動精氣溢瀉陰陽和而有子矣若在後天論之女子二七胃中氣血充盛於心而盛則與先天氣和先後之氣附合而經行故有子男子二八胃中氣血充盛於腎精盛則與先天氣和先後之氣附合而精瀉故有子所以男女皆爲天癸至者乃先天陰陽與後天氣血會合充盛斯時而至故

子○謂○氣○血○爲○陰○陽○之○橐○籥○陰○陽○爲○血○氣○之○風○帆○也○
夫○男○子○外○陽○而○內○陰○以○腎○爲○體○以○心○爲○用○女○子○外○
陰○而○內○陽○以○心○爲○體○以○腎○爲○用○蓋○心○屬○火○爲○陽○主○
血○陽○數○奇○故○二○七○真○陽○氣○盛○陰○得○陽○和○則○行○統○領○
諸○臟○之○血○盈○溢○血○海○則○月○事○下○而○有○子○腎○屬○水○爲○
陰○主○精○陰○數○偶○故○二○八○真○陰○水○盛○陽○得○陰○則○化○而○
統○諸○臟○之○精○滿○溢○精○海○精○氣○溢○瀉○而○有○子○可○見○男○
女○配○偶○交○合○必○須○陰○陽○和○平○卽○成○胎○而○生○子○是○故○
男○女○陽○中○有○陰○陰○中○有○陽○所○以○調○經○治○病○當○以○陰○
陽○先○天○分○治○非○僅○調○養○後○天○精○血○而○已○蓋○一○七○少○

陽氣盛二七陽明氣盛三七太陽氣盛而二七十四正在陽明盡而却交太陽之初三陽開泰之時故太陽始盛萌機一動合於少陰則陰陽相和衛任血海盛而月事下則有子矣然有未至二七氣癸至而生子者乃屬天稟太過或有已過二七天癸未通而不生子者乃天稟不及是稟先後二天之氣厚薄不同也夫女子陰血已盈必俟真陽至而行化行化之後務須陰陽和平則爲無病設偏陽盛則未及期而脉數若偏陰盛則過期而脉遲此爲陰陽太過不及皆當病也或因後天善衛之

氣太過不及而致病者。經云營者水穀之精氣。和調於五臟。灑陳於六腑。乃能入於脉也。衛者水穀之悍氣。其氣慄疾滑利。不能入於脉。故循皮膚之中。分肉之間。熏於育膜。散於胸腹。若衛虛則脉微。而經遲。營虛則脉數。而經早。至於閉絕不通。各有陰陽氣血寒熱虛實。辨於胃腎也。然經水有先期後期而至者。或多少。紫黑淡白青黃黑色不一者。或二三月一行。一月二三行者。至於閉而不通者。或崩漏不止。赤白帶下。血瘕瘕塊者。皆屬胞門之病。謂之帶下。治之須審經期。始有本據。或先經水。

不調。至於閉而不通。後致別病者。乃胞門受邪。當辨寒熱虛實。調經爲主治。俟經通。則諸病自愈。若先有別病。而後致經水不調。或閉而不通者。乃臟腑受病。累及胞門。則當治臟腑爲主。調經次之。俟病退。則不調經而經自調矣。故金匱發明經期胎產血室空虛。邪從陰戶。侵入胞門之病。述爲女科。其餘六淫中表內傷七情男女皆同。所以不贅一辭也。

張仲景金匱要畧卷二十一

構李沈明宗目南甫編註

婦人妊娠

師曰婦人得平脉、陰脉小弱、其人渴、不能食、無寒熱、
名妊娠、桂枝湯主之、於法六十日、當有此證、設有醫
治逆者、却一月加吐下者、則絕之、方見下利

此辨初孕之脉證也、六脉皆和、爲得平脉、則內外
無病矣、然平脉之中、畧見陰脉有異、而陰脉者、卽
關尺肝腎之脉也、是脉當微弦濡滑、而反小弱、且
無病證、則知厥陰少陽、陰胎氣血不足之故、經云

土得木而建此木。磨胎尚且不及何暇疏通移土。
通胃氣自壅氣化爲火則渴而不能食無寒熱者。
是無表證也在於六十日無病而見經閉脉弱。夾
是足厥陰少陽磨胎所致故斷其妊娠。然既已妊
娠補瀉之法用之無益。惟宜桂枝湯調和營衛以
濟肝膽之源。但此湯用之於表則和營衛而去表
邪用之於裏則和營衛而生氣血。充溢臟腑血海
然濟胎則自安胎矣。若見渴不能食而醫不識此
妊娠反以病治傷動胃氣故加吐下。却有一月則
當止吐下爲急所謂絕之。

婦人宿有癥病、經斷未及三月、而得漏下不止、胎動在臍上者、此爲癥痼害妊娠、六月動者、前三月經水利時胎也、下血者、後斷三月、斷也、所以血不止者、其癥不去故也、當下其癥、桂枝茯苓丸主之、

此妊娠宿有癥病、而出方也、婦人經產之後、血室空虛、餘血未淨、而受風寒、或因飲食生冷、凝血成塊、則爲癥瘕、若結於偏旁、而不正居子宮、仍能行經受孕、曰宿有癥病、此經斷未及三月、將已三月、而得漏下不止者、見似經、非經、胎動疑似之間、以故詳辨然、懷妊娠、應居當臍而臍腹之地、却被癥

塊○占○居○故○動○反○在○臍○上○而○癥○居○偏○旁○故○能○受○胎○但○
害○經○血○不○廕○胞○胎○半○途○而○出○以○漏○下○不○止○謂○之○癥○
癰○害○蓋○妊○娠○動○時○當○在○六○月○之○間○今○祇○三○月○就○動○
亦○因○癥○癰○害○去○其○血○胎○乾○不○安○如○魚○無○水○則○跳○躍○
不○定○矣○然○胎○胚○未○能○定○其○確○實○所○以○推○其○經○水○未○
斷○前○之○三○月○爲○驗○若○經○水○未○斷○前○之○三○期○期○期○掌○
節○而○無○參○差○前○後○者○乃○氣○血○和○平○應○當○受○孕○斯○斷○
是○胎○非○胚○所○謂○前○三○月○經○水○利○時○胎○也○若○前○之○三○
月○期○期○經○水○遲○蚤○不○準○淋○瀉○閉○塞○者○乃○氣○血○乖○離○
何○能○受○孕○知○今○經○斷○非○胎○是○胚○故○下○血○者○後○斷○三○

月。事。也。然。前。三。月。經。利。既。是。爲。胎。何。因。而。漏。血。不。止。也。蓋。因。其。癥。不。去。阻。害。胎。之。血。不。入。於。胞。而。漏。下。所。以。當。下。其。癥。胎。始。得。安。則。血。自。止。故。以。桂。枝。行。陽。芍。藥。收。陰。調。和。營。衛。然。癥。病。始。成。必。因。風。寒。痰。濕。氣。血。凝。結。爲。塊。以。茯。苓。滲。濕。丹。皮。桃。仁。破。血。行。瘀。而。助。消。癥。但。丹。皮。桃。仁。爲。胎。氣。所。忌。此。不。避。者。經。謂。有。故。無。殞。自。無。殞。也。因。胎。在。腹。欲。去。其。癥。則。服。一。丸。而。漸。磨。不。致。動。胎。立。法。最。善。

桂枝茯苓丸

桂枝

茯苓

牡丹皮

桃仁

去皮尖

芍藥

各等分

右五味末之煉蜜丸如兔屎大每日食前服一丸不知加至三丸

婦人懷娠六七月脉弦發熱其胎愈脹腹痛惡寒者少腹如扇所以然者子臟開故也當以附子湯溫其臟

方未見

此土金氣虛不能助廕胞胎而受邪也妊娠六七
月○應○當○肺○胃○廕○胎○之○際○而○肺○胃○氣○虛○廕○胎○不○暇○令○
其○胞○門○之○氣○亦○虛○寒○風○襲○入○相○連○肺○胃○故○見○脉○弦○
邪鬱表陽則發熱乘於脾胃則胎愈脹深入胞宮

則腹痛惡寒、冷氣陣陣侵逼、爲少腹如扇、因子臟陽虛不斂、玉門不閉、寒風襲入胞宮、所謂子臟開也、故用附子溫起胞宮之陽、得煖則閉而風冷自散、然方雖未見、但詳附子爲湯、必是驅寒補陽爲主、顧名思義可也、

師曰、婦人有漏下者、有半產後、因續下血都不絕者、有妊娠下血者、假令妊娠腹中痛、爲胞阻、膠艾湯主之、

此下血則一、其因各異也、漏下卽崩疾也、崩有木火乘脾而致、有胞宮受風寒而致、或半產下血都

不絕而致或脾胃氣虛而致或因胞宮氣血寒熱
偏勝而致此妊娠下血腹中痛者因胞胎阻塞氣
滯不能運血於經脉故下血腹痛然其因雖異而
治法同於行氣止血和陰故概用膠艾養血調血
止血俾氣血歸於經脉則漏下止而痛自愈縱有
風寒內襲膠艾溫經則驅散風寒具在其中矣

膠艾湯

芎藭

阿膠

甘草

艾葉

當歸

各三兩

芍藥

四兩

乾地黄

六兩

右七味以水五升清酒三升合煮取三升去滓內

膠令消盡溫服一升日三服不差更作

婦人懷妊腹中疔痛當歸芍藥散主之

此木取土氣爲病也凡屬胎前之病皆因胎處其中而磨胎之臟受邪爲病也蓋鎮攝胞胎統運氣血咸賴於脾因其脾胃磨胎不服氣血不能分濟諸臟故木氣自強反來討氣於上土弱氣滯以致胞宮氣血不舒所以腹中疔痛疔痛者乃綿綿痛而不止也故以芍藥芎歸宣和胞宮氣血兼疏土中之木白朮健脾生化營衛以濟諸臟之虛芩澤導滲土虛不輸之濕俾木土相和胞宮氣血流利

則痛止而胎自安矣

當歸芍藥散

當歸 三兩

芍藥 一觔

茯苓

白朮

各四兩

澤瀉

半觔

芎藭

三兩或作半觔

右六味杵爲散，取方寸匕，酒和，日三服。
妊娠嘔吐不止，乾薑、人參、半夏丸主之。

此木挾寒水之氣上逆而嘔吐也。蓋脾胃爲生化之源，五臟六腑皆受其濟，而胞胎繫於脾，賴之以爲總。廕此脾，但有廕胎之能，而無制水之暇，雖無水泛，乃寒濁之氣以乘木勢，反衝於土，脾胃氣逆。

津液化為痰飲上溢所以嘔吐不止故以人參補養脾胃之元乾薑以煖胃中之氣俾脾胃溫而健運如常則水陰不敢上逆以半夏滌痰下逆而止嘔吐蓋半夏乾薑乃胎氣所忌是有病則病當之况用丸者取其緩而不致動胎也

乾薑人參半夏丸

乾薑

人參

各一兩

半夏

二兩

右三味末之以生薑汁糊為丸如梧子大飲服十丸日三服

妊娠小便難飲食如故當歸貝母苦參丸主之

此下焦受邪而致小便難也。飲食如故。知邪非從上焦傳來。乃從陰戶而入。襲於胞宮。氣連膀胱。鬱而不化。故小便難。所以苦參味苦。氣寒。燥濕驅風。本草謂其入陰。能驅大風。開結氣。除伏熱。以當歸養血。而利血中之氣。善治衝帶之病。蓋肺與膀胱爲子母。故以貝母利肺氣。卽是利膀胱之氣。膀胱氣利。胞宮之氣亦利。氣利則邪除。小便不難矣。

當歸貝母苦參丸

當歸

貝母

苦參

各四兩

右三味末之。煉蜜丸。如小豆大。飲服三丸。加至十

九

妊娠有水氣、身重小便不利、灑淅惡寒、起卽頭眩、落
子茯苓散主之

此胎壓衛氣不利致水也、五六月胎壅脾胃之氣
不運、七八月手太陰氣逆、九十月膀胱三焦氣鬱、
皆可致水、此因三焦氣鬱決瀆無權、聚水泛溢、故
爲水氣、身重小便不利、然三焦氣鬱於內而不達
於外皮、毛失護則灑淅惡寒、胎居於下、火逆於上、
木火通氣而起動身軀、則擾動火氣上搖、則頭眩、
然不畏其水、但畏小便不利、雖非陽虛致水、亦常

開鬱瀉水爲主故以葵子滑利諸竅使通三焦之氣茯苓滲水下行而宣膀胱之鬱俾下焦通則上焦氣轉小便利而腫自退但葵子滑胎而不忌者乃有病則病當之功在利水宣壅而不滑胎矣

葵子茯苓散

葵子 一觔

茯苓 三兩

右二味杵爲散飲服方寸匕日三服小便利則愈婦人妊娠宜常服當歸散主之

此上中氣熱妊娠常服之方也脾胃乃爲營衛之源胎必賴之以爲總繫肝爲藏血之室衝任通榮

以滋故妊娠全欲肝脾氣和則子宮受磨而無胎動之虞所以芎歸專養肝血能疏肝氣而不壅白朮補脾燥濕芍藥收陰而平賊土之木以黃芩能清木火而涼胎氣不致氣壅血滯則胎無疾苦而易產然氣血平調之方故宜常服所以產後百病悉主之

當歸散

當歸

黃芩

芍藥

芎藭

各

白朮

半觔

右五味杵爲散酒服方寸匕日再服妊娠常服

易產胎無疾苦產後百病悉主之

妊娠養胎白朮散主之

此偏下焦陰火上逆之方也。脾胃乃生營衛而養
胎。元爲鎮攝之主。故用白朮培脾養胃。芍藥疏
利肝氣。俾肝氣利則脾氣和而血長。胎安然。又賴
腎水壯而收攝陰火不致上逆。則胎無患。故取椒
性純陽能達逆上之火而歸其根。但椒能導火下
行。不能養陰攝火。故以牡蠣鹹寒純陰之品。補水
而攝之。則胎長無虞。若脾氣不和。腹痛者。加芍藥
以疏土中之木。心氣毒痛。乃肝氣浮鬱於心。當倍

芎藭以疏肝氣、心煩吐痛、不能食飲者、不獨肝氣
抑鬱、且有客寒上逆、心火不寧、故加細辛驅寒、半
夏止逆、以醋湯和血而安其下、復不解者、知非客
寒、乃心液不足而煩、用小麥汁養心液而安其上、
已後渴者、用大麥汁以和其胃、此藥性平和、所以
養胎常服、此不用血藥、滋陰制火、是非病偏陰陽、
也、乃胎居其下、而陰火上逆、故但調其氣、則血自和

白朮散

白朮

芎藭

牡蠣

蜀椒

三分
去肝

右四味杵爲散酒服一錢七日三夜一但苦腹痛
加芍藥心下毒痛倍加芎藭心煩吐痛不能食飲
加細辛一兩半夏大者二十枚服之後更以醋漿
水服之若嘔以醋漿水服之復不解者小麥汁服
之已後渴者大麥粥服之病雖愈服之勿置
婦人傷胎懷身腹滿不得小便從腰已下重如有水
氣狀懷身七月太陰當養不養此心氣實當刺瀉勞
宮及關元小便微利則愈

此肺經廕胎致虛所不勝來尅也妊娠七月太陰
肺氣養胎但有廕胎之氣而無生水之暇水虧包

絡火旺刑於肺金太陰受傷故爲傷胎卽傷陰胎
之謂也懷身腹滿因肺金受傷氣鬱不得下輸膀胱
故不得小便而腰已下重乃肺氣壅逆非水泛
皮膚故謂如有水氣狀蓋七月太陰受制不能磨
胎爲當養不養當責心氣之實刺瀉手心勞宮穴
而瀉心火及刺關元穴宣通腎與膀胱之氣使膀胱
氣通則三焦氣利心腎相交水火旣濟不刑於
金而通調小便微利則愈
論曰胎孕一門貴在自慎起居調七情節飲食不
妄作勞則氣血陰陽和而無疾設縱違諸禁以致

氣血乖離、陰陽偏勝、諸病集至、乃爲自傷臟腑氣血所致、非關胎氣爲病、或因胎處胞中、氣血不足、陰陽偏勝、以致下部感受六淫爲病、或胎肥壅塞、臟腑氣血不宜、又有每月磨胎之氣不暇、或惡阻、胎動、胎漏、子煩、子淋、子癰、子腫、子懸、子瘖、半產等證、乃爲胎氣所致之病、當察磨胎本經之虛實寒熱、而用升降補瀉保之、庶不悖金匱闡發之理、因晉唐歷代諸書、男女同病、一統混收、而爲胎前之病、不合金匱之義、故復表出、

張仲景金匱要畧卷二十二

構李沈明宗目南甫編註

婦人產後

問曰新產婦人有三病一者病瘧二者病鬱冒三者大便難何謂也師曰新產血虛多汗出喜中風故令病瘧亡血復汗寒多故令鬱冒亡津液胃燥故大便難

此產後氣血虛而受邪致病也新產有血虛氣虛有氣血兩虛虛而招邪則有三病蓋三病爲綱非只此三病也因血虛氣熱熱開腠理則多汗出而

汗多則筋燥故喜中風風中則變瘕矣若亡血則
內火上逆復外感寒寒邪鬱住內火謂寒多故令
鬱冒蓋此二條因虛受邪而病末節乃指產後氣
血虛不因受邪便難也凡大腸主津小腸主液然
津液乃屬於陽因氣虛則津液虛津液虛而血亦
虛則胃間不潤腸亦燥故大便難此提產後虛而
感受風寒與大便難無邪三法爲諸病之大綱也
產婦鬱冒其脉微弱嘔不能食大便反堅但頭汗出
所以然者血虛而厥厥而必冒冒家欲解必大汗出
以血虛下厥孤陽上出故頭汗出所以產婦喜汗出

者以陰血虛陽氣獨盛故當汗出陰陽乃復大便堅
嘔不能食小柴胡湯主之

方見

此以血外寒鬱住內火上逆而致冒也中氣不足
故脉微弱木火盛而鬱遏脾胃之氣不運所以嘔
不能食然氣血虛則津液亦亡故胃燥而大便堅
血虛則陽火上厥故頭汗出以血虛而陽氣上逆
故厥外挾寒邪矇昧於上則爲鬱冒但冒家欲解
必然大汗出則內外之邪得散又謂血虛下厥孤
陽上出而頭汗出因頭汗出而損其陽以陽損則
陰長曰陰陽乃復第血氣津液內燥則大便堅水

火乘胃故嘔不能食。治當小柴胡湯和解表裏。使表裏氣和脾胃之氣得轉則鬱冒自愈。

病解能食七八日更發熱者此爲胃實大承氣湯主之。

此卽大便堅嘔不能食用小柴胡湯而病解能食也。病解者謂鬱冒已解能食者乃餘邪隱伏胃中風熱熾盛而消穀但食入於胃助起餘邪復盛所以七八日而更發熱故爲胃實是當蕩滌胃邪爲主。故用大承氣峻攻胃中堅壘俾無形之邪相隨有形之滯一掃盡出則病如失仲景本意發明產

後氣血雖虛、然有實證、卽當治實、不可顧慮其虛、反致病劇也。

產後腹中疼痛、當歸生薑羊肉湯主之、併治腹中寒、新虛勞不足、方見寒病

此氣血兩虛而腹痛也、疼痛者、綿綿而痛、是屬虛也、產後氣血兩虛、或有微寒阻滯氣血、所以腹中疼痛、非如血瘀刺痛之比、故以當歸養血而行血、滯生薑溫散客寒而行氣、滯以羊肉味厚氣溫補氣而生血、正謂形不足者溫之以氣、精不足者補之以味、俾氣血得溫則邪自散而痛自止矣、此但

溫補宣行所以並治寒疝虛勞不足

產婦腹痛煩滿不得臥枳實芍藥散主之

此氣滯腹痛也產後中氣必虛虛則氣滯而食亦滯故腹痛煩滿不得臥勿疑產後定屬瘀血而痛也故以枳實破氣行滯芍藥收陰而和脾養血因產後血虛所以用之此劑行氣和血故主癰膿以麥粥下之乃和肝氣而養心脾也

枳實芍藥散

枳實

燒令黑勿太過

芍藥

等分

右二味杵爲散服方寸匕日三服並主癰膿以麥

邪下之

師曰產婦腹痛法當以枳實芍藥散假令不愈者此爲腹中有瘀血着臍下宜下瘀血湯主之亦主經水不利

此與上條互相發明也前因氣食阻滯腹痛以枳實芍藥散行食下氣收陰斂正乃至當不易之治矣然施之而不愈要知非因氣分阻食之痛當責瘀血着在臍下而痛也故用大黃桃仁蟅蟲入血攻瘀俾瘀去則痛自止蓋仲景意欲明產後腹痛亦有氣分食滯不可概攻瘀血之訓耳

下瘀血湯

大黃 三兩

桃仁 二十枚

蟅蟲 二十枚
去足

右三味末之、煉蜜和爲丸、以酒一升煮取八合、頓服之、新血下如豚肝、

產後七八日、無太陽證、少腹堅痛、此惡露不盡、不大便、煩躁發熱、切脉微實、再倍發熱、日晡時煩躁者、不食、食則譫語、至夜即愈、宜大承氣湯主之、熱在裏結在膀胱也、

此互亡津液、胃燥邪壅而致血瘀也、七八日無太陽證、是無太陽陽明表證、少腹堅痛、乃因陽明邪

鬱而致惡露不盡也。但亡津液胃燥邪熱傳於胃
腑以挾宿食不行故不大便。胃熱上衝則煩躁發
熱矣。然產後氣血兩虛脉當微弱此切微實而再
倍發熱明是外邪傳入陽明氣壅食滯內實之證。
所以日晡時煩躁不食食則助其邪熱而發譫語。
設因惡露不盡之瘀血爲病卽當夜間發熱此夜
反愈知非瘀血血虛之故不必拘疑產後瘀血而
施常法當除胃中燥熱食滯爲務然雖有瘀血使
熱食去而瘀血自行故宜大承氣而不用破瘀血
藥也。蓋膀胱爲津液之腑但胃熱則津液枯燥氣

鬱化熱謂熱在裏熱鬱不行則血瘀故爲結在臍
臍此示產後亦有邪熱氣壅而致胞宮血瘀則當
治其胃中邪熱不可端攻瘀血爲訓也

產後中風續續數十日不解頭微疼惡寒時時有熱
心下悶乾嘔汗出雖久陽旦證續在耳可與陽旦湯
卽桂枝湯加黃芩

上下三條乃產後感冒證也世謂產後氣血兩虛
不論外感內傷皆以補虛爲主而仲景拈傷寒中
之風傷衛發熱仍以表裏陰陽去邪爲訓故云產
後中風續續數十日不解頭微疼惡寒時時有熱

汗出乃太陽風傷衛表證未解。但心下悶乾嘔。是外邪入於胸膈之裏。太陽表裏有邪。謂之陽旦證。故以桂枝湯加黃芩。而爲陽旦湯。然風邪在表。所以桂枝湯解肌。邪入胸膈之間。當以清涼解其內熱。故加黃芩。正謂不犯其虛。是益其餘。不補正而正自補。不驅邪而邪自散。斯爲產後感冒入神之妙方也。柰後人不察其理。反謂芍藥酸寒。能伐生生之氣。桂心辛熱。恐傷其血。棄之不用。以致病劇不解。只因未窺仲景門墻耳。故千金方以此湯加飴糖當歸爲當歸建中湯。治產後諸虛。或外感病。

深得仲景之意。余嘗以此湯加減出入而治產後諸病。屢獲神効。故表出之。

產後中風發熱面正赤喘而頭痛竹葉湯主之。

前謂太陽表邪未解此兼陽明證也發熱頭痛乃風傷太陽表證兼傳陽明熱邪上逆所以面正赤而喘然治之不離桂枝湯調和營衛芍藥酸收則當去之但產後氣血兩虛若不用參附固攝陰陽之正何敢以葛根防桔升發太陽陽明風熱之邪從表而出以竹葉清風邪通於肝膽乘胃之熱蓋產後最易變爲柔痙故發熱頭痛雖屬太陽表

證恐隱痙病之機所以方後云頸項強加大附子一枚以正陽燥濕祛風耳徐詳言其真陽上浮大謬然真陽既浮何得反以溫覆取汗復散其陽之理哉噫乃胃虛生痰故加半夏

竹葉湯

竹葉 一把 葛根 三兩 防風 桔梗 桂枝

人參

甘草

各一兩

附子

一枚

大棗

十五枚

生薑

五兩

右十味以水一斗煮取二升半分溫三服溫覆使汗出○頸項強用大附子一枚破之如豆入前藥揚去沫嘔者加半夏半升洗

婦人乳當有開字中虛煩亂嘔逆安中益氣竹皮大丸主之

此卽前條陽明證變而方亦變也婦人乳者謂婦人乳閉而不通也產後受邪中氣虛而風邪傳入於胃邪正抑鬱故乳閉而不通風必挾木上衝於心所以煩亂乘胃則嘔逆也故以竹茹甘草石膏甘涼和解風邪乘胃之熱桂枝和營衛而驅風白微甘寒能驅血海之風使從外出俾邪去則煩亂嘔逆止而胃氣宣行乳閉亦通正不補而自補故爲安中益氣有熱者乃陰分熱盛浮於肌表當倍

白微昔賢謂其能去浮熱喘加栢實清心寧肺而制風木之盛也

竹皮大丸

生竹茹

石膏

各二分

桂枝

白微

各一分

甘草

七分

右五味末之棗肉和丸彈子大以飲服一九日三夜二服有熱倍白微喘加栢實一分

產後下利虛極白頭翁加甘草阿膠湯主之

此血虛風襲下利卽痢疾也產後血虛火盛風乘腸胃濕熱相蒸津液化而爲膿故下利虛極然雖

虛極是非。兜瀋能止。當清風熱。則利自止。故以白頭翁、黃連、秦皮、藥皮。味皆苦寒。能清風邪。而除腸胃濕熱。甘草和中。阿膠養陰血。而驅血海之風。俾邪去。卽是補虛。而利自止。蓋仲景示產後雖有氣血虛。而感受風寒。內病則當驅邪之中。兼用補虛。而退病也。

白頭翁加甘草阿膠湯

白頭翁

甘草

阿膠

各二兩

秦皮

黃連

藥皮

各三兩

右六味。以水七升。煮取二升半。內膠。令消盡。分溫

三服

方

千金三物黃芩湯治婦人在草蓐自發露得風四
肢苦煩熱頭痛者與小柴胡湯頭不痛但煩者此
湯主之

黃芩 一兩

苦參 二兩

乾地黄 四兩

右三味以水六升煮取二升溫服一升多吐下蟲
此分上下受邪而治也草蓐卽生產坐草也產後
血氣未復或蓋覆不周爲自發露得風蓋四肢屬
土風邪屬木風乘脾胃淫於四末故四肢苦煩熱

但當辨其上下受邪分治則如鼓應桴然邪從上受必入陽經勢必頭痛當與小柴胡湯和解表裏風木之邪由風氣通於肝故也若胞門氣血虛而風從陰戶侵入血海風化爲熱上衝心脾故四肢苦煩熱而頭不痛所以地黃補其陰血風與濕蒸氣血化而爲蟲以苦參燥濕而殺蟲又去伏風以黃芩能清風化之熱服之多吐者乃逆上之標風從上出下蟲者胞門濕盛卽從下出矣

千金內補當歸建中湯治婦人產後虛羸不足腹中刺痛不止吸吸少氣或苦少腹中急摩痛引腰

背不能令飲產後一月日得服四五劑爲善令人
強壯宜

產後體雖無病血海必虛若中氣充盛氣血雖虛
易能恢復或後天不能生血充於血海則見虛羸
不足但血海虛而經絡之虛是不待言因氣血不
利而瘀則腹中刺痛不止衝任督帶內虛則少腹
中急摩痛引腰背脾胃氣虛則吸吸少氣不能食
飲故用桂枝湯調和營衛加當歸欲補血之功居
多若大虛加膠飴峻補脾胃而生氣通若去血過
多崩傷內動乃血海真陰大虧故加地黃阿膠以

培之方後云無生薑以乾薑代之乃溫補之中兼引血藥入血分生血其義更妙

當歸 四兩

芍藥 六兩

生薑

桂枝 各三兩

甘草 二兩

大棗 十二枚

右六味以水一斗煮取三升分溫三服一日令盡若大虛加飴糖六兩湯成內之於火上煖令飴消若去血過多崩傷內動不止加地黃六兩阿膠二兩合八味湯成內阿膠若無當歸以芍藥代之若無生薑以乾薑代之

論曰新產之婦十人九虛皆由懷胎十月氣血全

廢其兒加之產下去其惡露子宮空虛或身表經絡受邪或從陰戶入於胞宮則病狀千變然虛中嘗帶實證而實中嘗有藏虛所以仲景拈傷寒論風傷衛表裏內外合邪之證而示攻補兼施之治不以純虛而爲常法因胞宮受病治具婦人雜證故不多贅蓋產後雖有氣血兩虛然不畏其虛但畏其實畏受風而不畏受寒寒則溫補而去之則易風則虛中挾邪驅之而最難所以仲景不以寒邪立論深有意焉

張仲景金匱要畧卷二十三

樵李沈明宗目南甫述

以下二卷有方無論不敢妄釋留俟博學君子

雜療方

退五臟虛熱四時加減柴胡飲子方

柴胡

白木

各八分

大腹枳榔

四枚并皮不用

陳皮

生薑

各五分

桔梗

七分

以上冬三月柴胡稍多

柴胡

陳皮

大腹枳榔

生薑

桔梗

枳實

以上春三月比冬減白朮加枳實

柴胡

白朮

陳皮

大腹枳榔

生薑

桔梗

枳實

甘草

以上夏三月比春多甘草仍用白朮

柴胡

白朮

大腹枳榔

陳皮

生薑

桔梗

以上秋三月與冬同唯陳皮稍多

右各咬咀分爲三貼一貼以水三升煮取二升分溫三服如人行四五里進一服如四體壅滯添甘草少許每貼分作三小貼以水一升煮取七合溫服

再合滓爲一服重煮都成四服

長服訶黎勒丸方

訶黎勒

陳皮

厚朴

各三兩

右三味末之煉蜜丸如梧子大酒飲服二十九加至三十九

三物備急丸方

大黃

巴豆

去皮心
外研如泥乾薑各一兩

右藥各須精新先搗大黃乾薑爲末研巴豆內中合治一千杵用爲散蜜和丸亦佳密器貯之莫令歇氣主心腹諸卒暴百病若中惡客忤心腹脹滿

卒痛如錐刺氣急口噤停尸卒死者以煖水苦酒服大豆許三四丸或不可下捧頭起灌令下咽須臾當差如未差更與三丸當腹中鳴卽吐下便差若口噤亦須折齒灌之

治傷寒愈不復紫石寒食散方

紫石英

白石英

赤石脂

鍾乳服

括婁根

防風

桔梗

文蛤

鬼臼

太乙餘糧

各十分燒

乾薑

附子炮

桂枝

各四分

右件爲散酒服方寸匕

救卒死方

薤搗汁灌鼻中。○雄雞冠割取血，管吹內鼻中。○猪脂如雞子大，苦酒一升，煮沸灌喉中。○雞肝及血塗面上，以灰圍四旁立起。○大豆二七粒，以雞子白并酒和盡以吞之。

救卒死而壯熱者方

礬石半觔，以水一斗半，煮消，以漬腳，令沒踝。

救卒死而目閉者方

騎牛臨而搗薤汁灌耳中，吹皂角末鼻中，立効。

救卒死而張口反折者方

灸手足兩爪後十四壯，飲以五毒諸膏散。有巴豆者

救卒死而四肢不收，失便者方。

馬屎一斗，水三斗，煮取二斗，以洗之。又取牛洞糞，稀也，一升溫酒灌口中，灸心下一寸，臍上三寸，臍下四寸，各一百壯，差。

救小兒卒死而吐利不知，是何病方。

狗屎一丸，絞取汁，以灌之。無濕者，水煮乾，取汁。

尸蹶，脈動而無氣，氣閉不通，故靜而死也。治方。

草蒲屑，內鼻孔中吹之，令人以桂屑着舌下。

又方。

易取左角髮方寸燒末酒和灌令入喉立起
救卒死客忤死還魂湯主之方

麻黃 三兩

杏仁

十七粒
去皮尖甘草 一兩

右三味以水八升煮取三升去滓分令咽之通宿
諸感忤

又方

韭根 一把

烏梅

二七個

吳茱萸

半升炒

右三味以水一斗煮之以病人櫛內中三沸櫛浮
者生沉者死取三升去滓分飲之

救自縊死旦至暮雖已冷必可治暮至旦小難也恐

此當言忿氣盛故也。然夏時夜短於晝，又熱猶應可治。又云：心下若微溫者，一日以上，猶可治之方。

徐徐抱解，不得截繩，上下安被臥之。一人以脚踏其兩肩，手少挽其髮，當絃絃勿縱之。一人以手按據胸上，數動之。一人摩捋臂脰，屈伸之。若已僵，但漸漸強屈之，並按其腹，如此一炊頃，氣從口出，呼吸眼開，而猶引按莫置，亦勿苦勞之。須臾可少與桂湯及粥，清含與之，令濡喉，漸漸能嚥，吸稍止。若向令兩人以管吹其兩耳，采好。此法最善，無不活者。

凡中暍死不可使得冷得冷便死療之方

屈草帶繞暍人臍使三兩人溺其中令溫亦可用
熱泥和屈草亦可扣瓦碗底按及車缸以著暍人
臍令溺須得流去此謂道路窮卒無湯當令溺其
中欲使多人溺取令溫若湯便可與之不可泥及
車缸恐此物冷暍既在夏月得熱泥土煖車缸亦
可用也

救溺死方

取甕中灰兩石餘以埋人從頭至足水出七孔卽
活

治馬墜及一切筋骨損方

大黃

一兩候湯成下

敗蒲

一握三寸即蒲席也

桃仁

四十枚去皮尖熬

緋帛

如手大燒灰

亂髮

如雞子大燒灰

甘草

如中指節炙剉

久用炊單布

一尺燒灰

右七味以童子小便量多少煎湯成內酒一大盞次下大黃去滓分溫三服先剉敗蒲席半領煎湯浴衣被蓋覆須臾通利數行痛楚立差利及浴水赤勿怪即瘀血也

張仲景金匱要畧卷二十四

構李沈明宗目南甫述

禽獸魚蟲菓食菜穀禁忌

凡飲食滋味以養於生食之有妨反能有害自非服藥煉液焉能不飲食乎切見時人不閑調攝疾疢競起若恐是莫字不因食而生苟全其生須知切忌者矣所食之味有與病相宜有與身爲害若得宜則益體害則成疾以此致危例皆難療凡煮藥飲汁以解毒者雖云救急不可熱飲諸毒病得熱更甚宜冷飲之肝病禁辛心病禁鹹脾病禁酸肺病禁苦腎病禁甘

春不食肝、夏不食心、秋不食肺、冬不食腎、四季不食脾。辨曰：春不食肝者，爲肝氣王，脾氣敗。若食肝，則又補肝，脾氣敗尤甚，不可救。又肝王之時，不可以死氣入肝，恐復魂也。若非王時，卽虛以肝補之，佳。餘臟准此。

凡肝臟自不可輕噉，自死者彌甚。○凡心皆爲神識所舍，勿食之，使人來生復其對報矣。○凡肉及肝落地，不着塵土者，不可食之。○猪肉落水浮者，不可食。○猪肉及魚，若狗不食，鳥不啄者，不可食。○猪肉不乾，火炙不動，見水自動者，不可食之。○肉中有如朱

熱者不可食之○六畜肉熱血不斷者不可食之○
父母及身本命肉食之令人神魂不安○食肥肉及
熱羹不得飲冷水○諸五臟及魚投地塵土不汚者
不可食之○穢飯餒肉臭魚食之皆傷人○自死肉
口閉者不可食之○六畜自死及疫死則有毒不可
食之○獸自死北首及伏地者食之殺人○食生肉
飽飲乳變成白蟲一作蟲○疫死牛肉食之令病洞下
亦致堅積宜利藥下之○脯藏米甕中有毒及經夏
食之發腎病

治自死六畜肉中毒方○黃蘗屑搗服方寸匕

治食鬱肉、食漏脯中毒方、
鬱肉、密器蓋之、隔宿者是也、漏脯、茅屋漏下沾着者是也、

燒犬屎酒服方寸匕、每服人乳汁亦良、
飲生韭汁三升亦得、

治黍米中藏乾脯食之中毒方、

大豆濃煮汁飲數升、即解、亦治狸肉、漏脯等毒、

治食生肉中毒方、

掘地深三尺、取其下土三升、以水五升煮數沸、澄清汁飲一升、即愈、

治食六畜鳥獸肝中毒方、○水浸豆豉、絞取汁服數

升愈

馬脚無夜眼者不可食之。○食酸馬肉不飲酒則殺
人。酸當作駮出秦穆公岐下野人傳蓋馬肉無不酸者○馬肉不可熱食傷人
心。○馬鞍下肉食之殺人。○白馬黑頭者不可食之。
○白馬青蹄者不可食之。○馬肉、狔肉共食飽醉臥
大忌。○驢馬肉合猪肉食之成霍亂。○馬肝及毛不
可妄食中毒害人。

治馬肝中毒未死方。○雄鼠糞二七粒末之、水和服、
日再服。

又方。○人垢取方寸匕服之佳。

治食馬肉中毒欲死方

香豉 二兩

杏仁 三兩

右二味蒸一食頃熟杵之服日再服

又方○煮蘆根飲之良○疫死牛或目赤或黃食之大忌○牛肉共猪肉食之必作寸白蟲○青牛腸不可合犬肉食之○牛肺從三月至五月其中有蟲如馬尾割去勿食食則損人○牛羊猪肉皆不得以楮木桑木蒸炙食之令人腹内生蟲○噉蛇牛肉殺人何以知之噉蛇者毛髮向後順者是

治噉蛇牛肉食之欲死方○飲乳汁一升立愈

又方○以泔洗頭飲一升愈

牛肚細切以水一斗煮取一升煖飲之大汗出愈
治食牛肉中毒方○甘草煮汁飲之卽解○羊肉其
有宿熱者不可食○羊肉不可共生魚酪食之害人
○羊蹄甲中有珠子白者名懸筋食之令人癲○白
羊黑頭食其腦作腸癰○羊肝共生椒食之破人五
臟○猪肉共羊肝和食之令心悶○猪肉以生胡荽
同食爛人臍○猪脂不可合梅子食之○猪肉和葵
食之少氣○鹿肉不可和蒲白作羹食之發惡瘡○
麋脂及梅李子若妊婦食之令子青育男子傷精○

麋肉不可合蝦及生菜梅李果食之皆病人○痼疾人不可食熊肉令終身不愈○白犬自死不出舌者食之害人○食狗鼠餘令人發癰瘡○治食犬肉不消心下堅或腹脹口乾大渴心急發熱妄語如狂或洞下方

杏仁

一升合皮
熱研用

以沸湯三升和取汁分三服利下肉片大驗

婦人妊娠不可食兔肉山羊肉及鶩雞鴨令子無聲音○兔肉不可合白雞肉食之令人面發黃○兔肉若乾薑食之成霍亂○凡鳥自死口不閉翅不令者

不可食之。○諸禽肉肝青者食之殺人。○雞有六關四距者不可食之。○烏雞白首者不可食之。○雞不可共胡蒜食之，滯氣。雞一云子○山雞不可合鳥獸肉食之。○雞肉久食之令人瘦。○雞卵不可合鱉肉食之。○婦人妊娠食雀肉，令子淫亂無耻。○雀肉不可合李子食之。○燕肉勿食，入水爲蛟龍所吞。鳥獸有中毒箭死者，其肉有毒，解之方。

大豆煮汁及鹽汁服之解。

魚頭正白如連珠，至脊上食之殺人。○魚頭中無腮者不可食之，殺人。○魚無腸胆者不可食之，三年陰。

不起女子絕生○魚頭似有角者不可食之○魚目
合者不可食之○六甲日勿食鱗甲之物○魚不可
合雞肉食之○魚不得合鷓鴣肉食之○鯉魚鮮不
可合小豆藿食之其子不可合猪肝食之害人○鯉
魚不可合犬肉食之鯽魚不可合猴雉肉食之一云
不可合猪肝食○鯉魚不可合鹿肉食之令人筋甲
縮○青魚鮮不可合胡荽及生葵並麥中食之○鱖
魚不可合白犬血食之○龜肉不可合酒漿子食之
○蟹目凹陷者及厭下有王字形者不可食之其
肉不得合雞鴨子食之

龜鰲肉不可令覓菜食之。○蝦無類及腹下通黑者之反白者不可食之。○食膾飲乳酪令人腹中生蟲爲瘕。

膾食之在心胸中不化吐復不出速下除之。久成瘕病治之方。

橘皮 一兩

大黃 二兩

朴硝 二兩

右三味以水一大升煮至小升頓服卽消。

食齕多不消結爲瘕病治之方。

馬鞭草

有一味搗汁飲之。或以薑葉汁飲之一升卽消。

又可服吐藥吐之

食魚後食毒兩種煩亂治之方

橘皮

濃煮汁服之即解

食鱖魚中毒方

蘆根

煮汁服之即解

蟹目相向足班目赤者不可食之
食蟹中毒治之方

紫蘇

煮汁飲之三升。紫蘇搗汁飲之亦良。

又方○冬瓜汁飲二升食冬瓜亦可○凡蟹未遇霜多毒其熱者乃可食之○蜘蛛落食中有毒勿食之○凡蜂蠅蟲蟻等集食上食之致瘦○菓子生食生瘡○菓子落地經宿蟲蟻食之者人大忌食之○生米停畱多日有損處食之傷人○桃子多食令人熱仍不得入水浴令人病淋瀝熱病○杏酪不熟傷人○梅多食壞人齒○李不可多食令人臃脹○林檎不可多食令人百脉弱○橘柚多食令人口爽不知五味○梨不可多食令人寒中金瘡產婦亦不宜食

櫻桃杏多食傷筋骨○安石榴不可多食損人腹○
胡桃不可多食令人動痰飲○生棗多食令人熱渴
氣脹水熱瘰癧者彌不可食傷人食諸果治之方

猪骨

燒過

右一味末之、水服方寸匕、亦治馬肝、漏脯等毒、
木耳赤色及仰生者勿食、菌仰卷及赤色者不可
食、

食諸菌中毒悶亂欲死治之方、

人糞汁飲一升、土漿飲二升、大豆煮汁飲之、

服諸吐瀉藥並同、

誤食野芋煩毒欲死治之以前方

其野芋根山東人名魁芋人種芋三

年不收亦成野芋並殺人

蜀椒閉口者有毒誤食之戟人咽喉氣病欲絕或吐下白沫身體痺冷急治之方

肉桂煎汁飲之多飲冷水一二升或食蒜

飲地漿或濃煮豉汁飲之並解

正月勿食生葱令人面生遊風○二月勿食蓼傷人腎○三月勿食小蒜傷人志性○四月八月勿食胡荽傷人神○五月勿食韭令人乏氣力○五月五日

勿食一切生菜發百病○六月七月勿食菜莢傷神
氣○八月九月勿食薑傷人神○十月勿食椒損人
心傷心脉○十一月十二月勿食薤令人多涕唾○
四季勿食生葵令人飲食不化發百病非但食中藥
中皆不可用深宜慎之○時病差未健食生菜手足
必腫○夜食生菜不利人○十月勿食被霜生菜令
人面無光目澁心痛腰疼或發心瘡○瘡發時手足
十指爪皆青困委○葱韭初生芽者食之傷人心氣
○飲白酒食生韭令人病增○生葱不可共蜜食之
殺人獨賴蒜彌忌○棗合生葱食之令人病○生葱

和雄雞雉白犬肉食之令人七竅經年流血○食糖
蜜後四日內食生葱韭令人心痛○夜食諸薑蒜葱
等傷人心○蕪青根多食令人氣脹○薤不可共牛
肉作羹食之成瘕病韭亦然○蓴多病恐是食字動痔疾
○野苣不可同蜜食之作內痔○白苣不可共酪同
食作蠶蟲○黃瓜食之發熱病○葵心不可食傷人
葉尤冷黃背紫莖者勿食之○胡荽久食之令人多
忌○病人不可食胡荽及黃花菜○芋不可多食動
病○妊婦食薑令子餘指○蓼多食發心痛○蓼和
生魚食之令子奪氣陰欬疼痛○芥菜不可共兔肉

食之成惡邪病○小蒜多食傷人心力
食躁或躁方

豉濃煮汁飲之

鈎吻與芹菜相似誤食之殺人解之方

薺芫

八兩

右一味水六升煮取二升分溫二服

鈎吻生地旁無他草其莖

有毛以此別之

菜中有水蓂若葉圓而光有毒誤食之令人狂亂如
中風或吐血治之方

甘草煮汁服之即解

春秋二時、龍帶精入芹菜中、人偶食之、爲病發時、手背腹滿痛、不可忍、名蛟龍病、治之方、

硬糖

二三升

右一味、日兩度服、吐出如蜥蜴三五枚、瘥、

食苦瓠中毒、治之方、○梨穰煮汁、數服之、解、

扁豆寒熱者、不可食之、○久食小豆、令人枯燥、○食

大豆屑、忘噉豬肉、○大麥久食、令人作癰、○白黍米、

不可同飮、蜜食、亦不可合葵食之、○莢麥麵多食之、

令人髮落、○鹽多食、傷人肺、○食冷物、冰人齒、○食

熱物、勿飲冷水、○飲酒食生蒼耳、令人心痛、○夏月

大醉汗流不得冷水洗着身及使扇卽成病○飲酒
大忌炙腹背令人腸結○醉後勿飽食發寒熱○飲
酒食豬肉臥秫稻穰中則發黃○食飴糖飲酒大忌
○凡水及酒照見人影動者不可飲之○醋合酪食
之令人血瘕○食白米粥勿食生蒼耳成走疰○食
甜粥已食鹽卽吐○犀角筋攪飲食沫出及燒地墳
起者食之殺人
飲食中毒煩滿治之方

苦參 三兩

苦酒 半升

右二味煮三沸三上三下服之吐食出卽差或以

水煮亦得。○又犀角湯亦佳。

貪食、食多不消、心腹堅滿痛、治之方、

鹽一升

水二升

右二味、煮令鹽消、分三服、當吐食出、便差。

礬石生入腹、破人心肝、亦禁水。○商陸以水服、殺人。

○葶藶子、傳頭瘡、藥成惡是氣字入腦、殺人。○水銀入人

耳、及六畜等、皆死、以金銀着耳邊、水銀則吐。吐疑是出○

苦練無子者、殺人。

凡諸毒多是假毒、以損元、知時、宜煮甘草薺苳汁飲

之、通治諸毒藥。

張仲景金匱要畧卷二十四

終